

## 邹 序

国父于学孜孜不倦，于书无所不窥，尝有问国父究治何种学问者，国父语之曰：「余所治者，乃革命之学也。凡一切学问，苟有以助余革命智识及能力者，余皆以为研究之资料，俾以组成余革命之学也。」国父于学勤博如此，自立体系如此，故不论何种学说，皆能取其精而用其宏，咀其华而含其英，融汇之，贯通之，今读遗教，无所不包，靡学不具，治遗教者，各以其所治而求之，莫不各有所得，如入百宝库藏者，必能恣其所悦而怀宝以归，绝无求而不获者也。李君浴日夙治兵学，见解独到，近取国父有关兵学遗教，着国父革命战理之研究一书，将国父各种战争理论，分别阐述，其研究可谓勤而有获者矣。夫革命者，应乎夫，顺乎人，而革故鼎新之大业也。质言之，用生存战政治战经济战以蕲战胜敌人，而达到平等自由和平，以竟革命之全功也。国父之生存战，以民族主义为武器；政治战，以民权主义为武器；经济战，以民生主义为武器。犹忆民国十三年一月二十日在广州欢宴中国国民党第一次全国代表时，讲演「主义战胜敌人」，即以此训示党员。复申言：「有此主义为武器，又必须坚信其可以获致胜利。革命斗士，有此信念，乃能一以当百，如黄花岗镇南关武昌河口各役，迭次起义，类皆以少敌众，莫不以几十人或几百人败清兵数万，为兵家之所咋舌称奇也。」昔皇甫肱曰：「太公论将，曰勇智仁信忠；孙子论将曰智信仁勇严。」太公以勇为首，孙子以智为先，诚以勇非智无以成，智非勇无以行。国父则以智勇均为革命军人所必备，又以实行三民主义为革命军人之仁，故能以少敌众，以寡胜多，实比姜太公与孙子为进步。李君此书，首言国父战争思想，次言战时政治经济宣传诸端，并以精神力为决胜之本，是已深得国父革命战理之真谛，于目前加强反共抗俄之贡献，尤不鲜也。

中华民国四十一年六月十日 邹鲁序于台北